

井師副部長賜存

生
湯燦華敬贈

廿四、十一月二日。

正聲集

王仁宇署

目

錄

徵詩文啓

序言

卷之一

五言詩

張導民五古一首

張百川五律同上

鄧公烈二首

上官樂佑一首

劉振東同上

李仲謀同上

馮自微同上

邱志忠同上

卷之二

七言詩

黃秉助絕句四首

鄧伯涵四首

袁祖安同上

吳興老農六首

吳子祥一首

李錫芳同上

呂少岩三首

李奕榕一首

譚天任五首

謝鶴年一首

甄伯康三首

七律詩

溫麟一首

李履菴同上

劉超武同上

崔斯哲同上

張務增二首

李蔚同上

方岳昭一首

黃植文同上

孫璞二首

劉大柏一首

顧一士同上

蘇應霖同上

溫楨榮同上

溫仕駒同上

梁培之同上

劉日暉二首

易廷彥同上

許觀一首

鄧夔同上

馮學臣同上

馮麗堂三首

黃卓豪一首

吳天放二首

黃雲章同上

梁文虎同上

阮應珍同上

陳育謀一首

何明啓同上

李露泉同上

卷之三

古體詩

劉世思一首

李仲根同上

區澤奎同上

黎爾非同上

梁叔毅馮麗堂同上

新體詩


惠民中心學校一首

卷之四

題詞頌言

附錄

湯縣長爲履任三週年紀念告民衆書
湯縣長告別邑中父老書



贊化縣長湯公治鶴三週年紀念大會徵詩文小啓

當敵虜鴟張之會、而安奠一隅、際庶政朋興之秋、而報最三載、(神)謀偉算、大都出自中樞、而進度科條、亦已頒爲令用、而先獲奔奏、禦侮之功同、後勁前茅、堅瑕之勢異、未有邑號巖疆、地原墾墾、而能鼓再接再厲之氣、一與周旋、揚十決十盪之威、終不厭撓、如年來民氣之足多、暨縣長湯公提携之明效也

縣長湯公、幼而岐嶷、本南海之世家、長爲壯遊、望京漢而馳騁、遭時多故、積健爲雄、蒿目登陴、揮掌厲學、畢業中央政治學校後、歷任中樞要職、旋以百粵板蕩、桑梓關情、河陽栽花、巾褐無悶、龍門才上、聲價自高、鶴邑量移、清華茂、蓋湯公自民國二十九年冬蒞鶴以來、迄今年十二月、剛歷三週年矣

湯公之治鶴也、歲星雖已潛移、而素履仍如始至、交驩上下、聯睦鄉隣、能完無缺之金甌、時睹森嚴之玉壘、至其辦理縣中兵役、勸募、征

實、儲糧、建設、墾荒、文化、救濟諸要政、均能綱舉目張、令如流水、循名覈實、民不後時、以致 大府疊褒、群情愛戴、非偶然也、

茲當三載攷績之期、亦計群僚慶集之會、邦人耆碩、交識朋儕、衆于是日爲會祝 公、且爲紀念、並以淮陽汲公、平西李侯之功勛事業頌焉、明知可久者賢人之德、可大者賢人之業、矧 湯公年來治鶴、固文武兼資、內外協調、進戰退守、悉合機要乎、（具見年來各種演講文辭所著專書）允宜譜漢家大風、揚諸海外、詠東山之零雨、慰及同袍、尙望當代詞宗、方聞碩彥、就所聞見、發爲倫歌、或錫以長言、或脫爲小序、務其不斬烟墨、各贈琳瑯、將集燕許手筆於一堂、露布龔黃政聲之大畧、亦抗戰時之佳話歟、異日者、鐃歌競唱、凱旋勒銘、作者伊誰、毋亦君等鼓刀而舞、瑗也、請前乎、！

發起人

易子莊
何相
馮第臣

呂少若
呂叔侃
李露泉

序言

詩之爲義廣矣、詩序云、在心爲志、發言爲詩、詩文之於言、又其精者也、夫華夏之^治、不重霸權、以仁政爲先、風化爲尙、鄧隆之世、政教合一、六藝以詩爲教、由來遠矣、故誦詩聞政、昭訓永垂、問俗採詩、醜軒所昉、建國三十二年冬、爲縣長贊化湯公治鶴三週之^禮、值報最之時、大府榮褒、德政早播、邦人爲慶集之會、以頌功德、更廣徵詩文、以紀斯盛、此豈惟爲一邑一人之謳歌、實有關乎地方文化之倡導、察政觀風、所攸繫也、所錄詩詞、雖文非一體、要皆各抒己志、共揚循聲、或當代詞宗、方聞碩彥之題贈、或士紳民衆之頌揚、或同袍僚屬之稱賀、或舊雨戚好之遙祝、總之、新腔古調、並著兼收、玉振金聲、彙編成集、藉以傳燕許手筆於將來、布冀黃政聲之太畧耳、後之覽者、將具採風之感耶、是爲序、

中華民國三十三年九月一日中山劉郎序于鶴山粉洞山房

卷之一

五言詩

贊化縣長治鶴三週年卓著政聲鶴人歌之贈短古以資紀念

湖北張導民

循吏久不見、歲復值艱屯、斯民遭俶擾、弗克事耘耔、廼聞鶴山宰、清
勤政有聲、勸農治生產、抗敵保孤城、戰守合機要、胸中羅甲兵、賢勞
拯饑溺、三載治羣情、輿歌懷此日、相期雉化馴、

番禺張百祥

馴鶴如馴雉、牛刀試小鮮、長才非百里、臥治又三年、建樹蓬勃、甘
棠記後先、武城應刷目、過境聽歌絃、

東官鄧公烈

載鶴三年治、河陽萬樹花、春風歌德化、官柳合圍斜、政績逾期月、天
心照一涯、鄰封忝南國、慚愧使君車、
玉壘熒烽火、金戈靖寇氛、嘉猷歸壯少、大府盛才賢、西賊從寒胆、東

甌舊策勳、餘情滿棠蔭、落落想秋雲、

上官業佑

敵虜游騎至、鶴山勢異常、民情足憤慨、府令簡龔黃、治理歌三異、從
宋鎮一方、使君賢且智、遺愛在甘棠、

山東劉振東

治術兼文武、湯侯孰與儔、寇恂才矯矯、公傑政優優、上考三年得、賢
聲萬口留、知方堪禦侮、鶴邑壯神洲、

番禺李仲謀

百里謳歌滿、三年德業尊、寇氛消鶴邑、聲價重龍門、桃李標風度、桑
麻見飽溫、莫矜餘力在、展足向中原、

鶴山馮自微

治賦與治兵、三年聿厥成、功勳惟守土、區劃足干城、補弊兼興廢、成
功又立名、爲籌長久利、頂祝有餘馨、

鶴山邱志忠

三載司民牧、圖邑咸謳歌、偉哉湯縣長、能解我民膜、調節斯荒災、救濟彼溝壑、蒼蒼者生民、安享農家樂、

卷之二

七言詩

建國三十三春奉 命第一區行政下車之際適鶴山湯邑宰贊化三年

報最之時邑中人士以善政在民爲徵詩文藉資紀念爰成四絕候正

黃秉勛

天地晦盲烽火急、金甌百里賴撐持、從知歲月艱危過、恰是三年報最時
千家絃誦能興學、萬石存糧足備荒、七粵無驚籌教養、更從保衛見賢良
多難興邦古有之、使君文武本兼資、河陽小試栽花手、已紀膚功在口碑
四郊多壘我來巡、喜聽芳鄰起頌聲、不信河山終破碎、與君努力報昇平

高州鄧伯涵

濁世清名未易求、神明天許治頑州、道塗父老憑相問、說到賢侯盡點頭

故鄉創痛總關情、三載鳴琴百廢興、寄語歸來賢令尹、要爲霖雨遍蒼生
百里荒陬號瘠貧、遍栽桃李播芳芬、萬家齊獻廻文錦、織就來蘇頌使君
南服爭傳却敵名、幾回決盪振天聲、蝦夷遠避羣奸懾、誰道書生少甲兵

四首

袁祖安

清風兩袖賦歸來、擊柝頻年志未衰、寄迹沙坪聊學賈、熙熙猶得樂春臺
廂土元非百里才、國家多難此登臺、安民守土資籌策、並負邊防使命來
城池鞏固若金湯、布政優優運智囊、萬里胡塵飛不到、絃歌餘韵遠琴臺
考績三年喜有成、傳登循吏播賢聲、河陽善政今猶在、燦爛桃華滿鶴城

其一

吳興老農

前任龍門繼鶴山、聲威遠播懾倭蠻、琴堂政績留青史、羣衆歡欣共仰顏

其二

生平素志薄王侯、但願一識韓荊州、文武兼資欽柱石、僑居治下樂忘憂

其三

戰時經濟本非饒、募債居然倍額超、近地遐陬傳令譽、南天屏障姓名標

其四

運輸遠道事梯航、儲積充盈慶萬箱、足食足兵民有信、豐年爲瑞叶禎祥

其五

地瀕前綫重邊防、厚集兵團殺敵忙、回憶春初多設備、凱歌聲裡慶重光

其六

後方注重育羣英、房誦家絃百里興、濟濟師資示模範、蒸焉改進啓文明

絕句一首

中山吳子祥

三秋政績勒專書、難得龔黃久駐車、終羨琴堂閒似鶴、金甌無缺事耕鋤

台山李錫芳

蜚聲龍鶴仰高風、化育羣黎處處同、西靖萑苻東拒日、還期擊楫狂流中

鶴山呂少若

衣冠南海氣何巍、價重龍門衆望歸、陳鄺當年誰似得、鍾靈疑已粹金溪
政聲何讓漢龔黃、決瀝蝦夷震上方、緩帶輕裘同叔子、翻教巖邑若金湯
三年瓜代獨留君、大府頻褒倚正殷、韓范夙成偏久成、鶴山何幸獲斯人

★山李奕誥

著績龍門又鶴山、邑侯地少來陽間、三邊禦敵糧荒日、安定閭閻指顧間

其一

支撐危局挽狂瀾、拯救羣生水火間、怪底崑崙遍謳頌、相期接厲復河山

其二

譚天任

金甌無缺建殊勳、鶴嶺巍峨氣象新、三載嘉猷勵圖治、咸欽緯武且經文

其三

書劍飄零惟有限、天涯搖落已無家、寧飢不食仇人祿、擇木禽棲豈自誇

其四

臥薪嘗胆甘如醴、心地光明足自豪、萬卷藏書都棄盡、祇留壯志殺倭奴

其五

濟濟羣英拜下風、賢明領導計程功、自慚駘鷩頑如許、幸在幬幪煅煉中

端州謝鶴年

艱難繼起固湯城、報最三年有政聲、譽滿河陽知治化、謳歌閭里見羣情

其一

台山甄伯廉

三年佈政日趨新、禦侮安民咸沐恩、橘綠橙黃迎勝利、兒童竹馬頌功勳

其二

戰時爲國儲人才、鄉保僻隅庠序開、桃李爭榮光鶴嶺、英雄輩出湯公裁

其三

琴堂政績炳人寰、淨掃寇氛鎮鶴山、況是河陽花再發、謳歌從此樂春閒

七律

溫麟

嶺外梅開臘月天、清香此日衙如仙、西江水擁金湯固、南國人歌玉壘全
、單父鳴琴移百粵、召棠治績紀三年、使君自是龔黃續、叢爾蝦夷未許
前

中山李履菴

故人作宰山水縣、搔首踟躕愛不見、越陌度阡用相存、老我風塵應滿面
、談笑揮戈却虎羆、好憑杯酒話戰時、已聞父老歌新政、勝讀幽風十月

詩、

嶺東劉超武

山城迭見起狼烟、固若金湯守益堅、才擅士元非百里、績昭龔遂已三年、琴堂日麗盛珠履、花縣風清敞畫筵、共視賢良舊令尹、莫攀喬木作鶯遷、

東官崔斯哲

三年考績愼清勤、有勇知方策國勳、龐統那堪舒驥足、侍中原自異鷄羣、幾回玉壘驚烽火、無恙金甌靖寇氛、君是千萬家生佛、群黎棠蔭頌紛紛、

湯君燦華篆鶴三年胼手胝足政績斐然邑人感君之德發起徵詩文以紀其盛並以屬予予不文不能作雍和雅頌之章率成七律二首亦聊以寄意云爾

其一

張務增

百里絃歌小試時、使君真可作親師、訟庭此日看花落、錦陌當年詠黍離

未許履舄驚闕早、相迎竹馬怨車遲、春風吹放桃千樹、敢與龔黃一樣思、

其二

鵬搏今始作初鳴、三載琴堂播政聲、夾道桑麻多雉樂、千家衽席鮮龍驚、如君游刃才堪羨、愧我埋輪志未成、極目中原人正苦、青袍寧許誤儒生、

其一

惠陽李蔚

宣勞黨國參樞垣、出綰臨民樹令聞、移俗敦風敷雅化、催科撫字著辛勤、仁煦義肅無非愛、雨露雷霆總是春、此日羣黎歌五袴、家家製錦頌慈君、

其二

嶺海鍾靈毓秀奇、才華少小標歧嶷、文經武緯國楨幹、義胆忠肝士瑾瑜、百里謳歌恩澤渥、三年艱最政聲馳、一官匏繫深慚我、郅治才猶慕秉彝、

中山方岳昭

現宰官身仗法輪、琴堂譽播豈無因、鷄林望重名山席、鶴嶺威揚紫陌塵、
化蜀嘉謨寧獨美、攘夷決策更如神、三年留遍甘棠蔭、衆口謳歌萬象
春、

惠陽黃植文

風儀久仰雲中鶴、更羨長才掌鶴山、閭里救飢欣治績、沙坪挫敵挽狂瀾
、三年艱最勞籌劃、百里歌功遍宇寰、事業竿頭期共勉、好將抱負濟時
艱、

中山孫璞

眼看大敵已當前、醜虜風烟動九邊、三載攷成循吏績、十年曾識使君賢
、名傳鶴嶺分旗鼓、思去龍門整轡韉、父老琴堂齊仰止、風高裘帶故翩
翩、

門關秋色上征韉、急難曾分鶴俸錢、邑有流亡登暖席、地隣桑梓隔烽烟
、邊功追溯千秋筆、政蹟旁搜萬口傳、他日沙坪重把盞、詩歌還奏凱旋

篇、

湖南劉大柏

琴堂聽政已三年、德沛蒼生澤沛田、召伯植棠垂遠愛、鄧侯關井誌廉泉、
入州運甓明勤儉、滿縣栽花廣陌阡、循吏名儒兼武備、淮陽治績媲前賢、

新興顧一士

傳聞父老話桑麻、湯令河陽隔縣花、自是賢書旌上上、幾多畱扇畫家家、
瘡痍願借三年艾、逖隱何煩五色瓜、車笠無緣知分隔、九天朱鶴望雲霞、

新興蘇應霖

下風逖聽使君賢、治鶴三週猛着鞭、循吏傳應添姓氏、延賓館合醉華筵、
羣情愛戴拈花供、褒語輝煌奉令傳、我亦鄰人同赤子、稱觥遙祝玉堂仙、

鶴山溫楨榮

松青山碧透窗紗、斗室偏鄰白傳家、高館殘春斜落日、舊衫塵浣夢京華、
歸耕未許償吾願、避世聊安半畝麻、成蔭柳已三年綠、涕淚興亡筆底
花、

鶴山溫仕駒

蒞任三年政績宣、口碑載道樂何如、匡時有術孤忠抱、吾民倚庇若長城、
教育宏興絃歌盛、救濟糧荒澤縣、時逢三載紀念日、謹獻蕪詞告象
胥、

郴縣梁培之

琴堂蒞治屈三秋、遠道欣聞報最優、外嶠循聲聽隔壤、中牟政績証傳郵、
、故人有子皋鳴鶴、賢宰仁民道繫牛、比及我慙遙作頌、俚詞祇效粵氓
謳、

中山劉日暉

萬端庶政賴朋興、化洽鳴琴慶有成、價重龍門增十倍、量移鶴邑師賢明、
栽花手植千年業、展驥才非百里程、大府疊褒咸景企、羣情愛戴過連

城、

四面烽烟奠一隅、睢陽千載譽非虛、金城鞏固民心定、玉壘森嚴敵氣徂、明耻有堪教職、歌功無處不歡呼、群賢慶集稱觴日、紀績他年耀董狐、

鶴山易廷彥

政術修明一邑光、三年治鶴沐恩長、振興學校培基礎、指導農村裕糧糧、深愧不文臚頌祝、屢膺大府疊褒揚、世家南海崇明德、令尹賢能得義方、

德澤如今遍地流、恰逢此日慶三週、屢經寇襲勞籌畫、境保民安預設謀、曾任龍門多善政、轉臨鶴嶺著勳猷、鄉閭愛戴頌聲作、長使甘棠永世留、

南海許觀

二年報最喜觀成、七望鄉閭靜不驚、一范軍中能挫敵、千秋史上定留名、昔時劍氣冲牛斗、今日絃歌羨武城、牧馬胡人怯南下、全因衛霍素知名

兵、

高州鄧夔

攬轡崑崙起壯圖、春回寒谷盡甦枯、三年布政紆籌策、萬衆輸誠懷步趨、封壤金甌無恙在、循途木鐸厥聲痛、相看父老同觀化、爲貢心香酒百壺、

馮學臣

烽火漫天動牛斗、獸蹄處處遍神州、使君捧檄臨陬僻、政績修明佈遠猷、十邊虎威寧玉碎、三年翼衛固金甌、勲勞我愧酬微末、願進南山壽李侯、

其一

鶴山馮麗堂

好從亂世識英雄、治鶴誰堪更勝公、接物禮無分貴賤、獻機續已冠南中、三載共欽防寇畧、百年應頌樹人功、紀德慚非如椽筆、詞壇當拜下邊風、

其二

年來吏治早知名、幸託因緣獲識荆、酒爲聯歡宴將士、米因發動蔭書生
鳳興夜寐勞王事、救難卹災洞下情、驢足終非才百里、佇着鵬搏遂雲
程、

其三

官民共樂迹無分、濟濟冠裳况若雲、願捧金杯深進酒、勉搢秃筆應徵文
、愧無盛設酬飛將、當有黎民憶使君、胡騎窺邊都辟易、此間長駐岳家
軍、

陸豐黃卓豪

滿城花發 姚河陽、仙吏風流動四方、守土豐功留戰績、匡時大計在文章
、政從治理無偏頗、食裕民天有蓋藏、小試牛刀已三載、謳歌爭與頌循
良、

其一

南海吳天放

金城舊種三年柳、鶴俸添分二頃田、花落漫來琴酒伴、指揮能事要回天
其二

父老棠陰縣未忘、不須花樹滿河陽、男兒三十功名在、來繼東甌舊德長

其一

鶴山黃雲章

湯公治鶴已三年、內外安攘策盡全、摧寇任從多面至、教民共矢一心堅、巖疆無缺金甌在、褒語頻煩玉札傳、偉績千_今遍遐邇、勳名他日紀凌烟、

其二

相迎竹馬使君來、潘令桃花處處栽、逐虎渡江頒善政、殲倭保土仰長才、鳴琴化洽三年治、拔薤風高四野推、讓畔推耕民極樂、酣歌鼓腹快悠哉、

其一

鶴山梁文虎

化洽鳴琴事可風、如今德政有湯公、三年捍邑狂瀾挽、百里蒙庥惠露中、一路福星歌郅治、千秋袍澤仰英雄、甘棠紀念遺功續、青史名留像鑄銅、

其二

憶昔湯公自下車、韶華瞥眼三週來、捍邦拒敵回天力、衛邑安民作楫材、有口皆碑歌德政、無心不鏤感仁台、勛勞可紀凌烟閣、兩袖清風更屬誰、

其一

化州阮席珍

三年政績慶觀成、百里遙聞歌頌聲、南國甘棠慶召伯、東山零雨慰蒼生、萬家生佛香花供、大府褒書玉札盈、他日鐃歌齊競唱、鼓刀應醉舞昇平、

其二

蒞鶴偏逢敵寇邊、湯公文武策安全、閭閻父老資耕鑿、鞶鼓人民盡囊韉、爲國爲鄉敷五教、足兵足食已三年、追隨剛值三週會、喜聽歌聲入管絃、

陳百謀

風雨鷄鳴未曙天、湯公治鶴最親賢、三年蕞爾膺強敵、一縣彈丸守至堅、有勇知方由也果、足食教戰兩求全、莫愁抗日人才少、顏魯睢陽見不

鮮

湖南何明啓

奇骨異人我見少、得時貴顯無疑猜、名標學府年方稚、職任中樞寇正來、小試龍門徵霸氣、高居鶴嶺識長才、三週報最喜音至、遙憶歡呼聲震雷、

鶴山李露泉

幼學壯行志得伸、文才武畧自兼人、著書悉達精微旨、治賦咸欽調用神、勃海龔公堪作侶、淮陽汲令足同倫、循良蒞鶴纔三載、頌德歌功億萬民、

卷之三

古體詩

中山劉世恩

猶記倭妖襲嶺東、樓船浩蕩浪騰空、狼烟蔽野戰雲暗、胡馬窺江殺氣衝

、突犯龍門荒服境、臨城禦侮有湯公、湯公作宰恩威重、運策神機挫敵鋒、績著忠勤膺懋賞、星馳羽檄轉鶴峯、鶴峯接壤羶腥地、程壁森嚴擅守攻、離虜憑陵頻蠢動、長蛇薦食肆鄰封、惟公講武修文治、身繫安危在邑中、挽粟飛芻曾仗力、征兵儲募並興農、救災普惠蒼生澤、明耻知方巨擘功、大府榮褒荷寵語、羣情歡洽祝華嵩、欣逢蒞牧三週歲、移植河陽花更紅、喜報梅肥添瑞雪、還偕柏翠過隆冬、邦人紀盛開嘉會、令尹勞謙應可風、論政奚輪勃海守、策勳應與繼光同、文章聲價遊江表、經濟淵深出辟雍、吁嗟乎！誰稱濁世無廉吏、廉吏賢貞似勁松、歲寒始見後凋節、物望攸歸贊化翁、旦上層樓縱目眺、天涯何處沒哀鴻、未斟美酒勸公醉、謹獻蕪詞表我衷、先憂後樂關心事、漢主紆尊願臥龍、

中書李仲根

湯公學優登仕早、政海多時人未老、年華廿七宰龍門、其人如玉美且好、下車父老交疑驚、三月政通釋懷抱、喧天鞀鼓日寇來、策劃安然退羣獠、始知粉侯並能軍、斯事斯人齊傾倒、軍興鶴邑變衝繁、礮瘡山城爲

沿難、才高自易膺心簡、民迎載道有靈輦、煙苗首除清民毒、荏苒繼靖
行客謹、絃歌聲裡知政美、曾幾何時民乂安、聞謳足表稱全治、祇餘域
外有神奸、神奸時復來摩壘、數犯坡山與麗水、魯陽戈揮遂日忙、旌旆
甫到寇披靡、滅從風夜視災區、既見君侯胡不喜、撻虜重復建奇勳、相
與行歌飲綠螳、鶴城秀峙鶴山青、知否君侯已勞止、專員備用紀多年、
考績民憂卓越遷、行看廊廟試才調、六翮冲霄薄日邊、薦蘿何幸施松栢
、滋花常得百尺巔、授權分治效廳策、兩載兢兢幸免愆、樂民之樂慶此
日、欣從杯酒話官賢、

鶴山區澤群

千霄烽火燭樓臺、野老相逢話劫灰、將軍死綬重圍絕、萬里朱殷染綠苔
、薄旬屬城封印走、窮山匿跡眸不同、池魚煦沫蒼天問、我後其蘇動地
哀、惟公弗忍生民禍、巾幘羽扇翩然來、太平宰相誰不識、殘棋一局施
餘力、割雞咸悉用牛刀、恐懼真懷飢與溺、西賊遙聞心胆寒、當道非常
場顏色、江東草木皆晉兵、緩帶輕裘亦干城、至今臨洮窺牧馬、逡巡莫

蹴渡春冰、秦人避地皆雲集、提挈妻孥入武陵、學有序庠如鄒魯、耕者讓畔行讓路、關譏無征安市廛、青蚨紅粟盈倉府、意志詎能效兩疏、功名自是齊三輔、馴雉棄魚化薄俗、甘棠遺愛流鄉曲、勸公莫存京兆心、砥柱毋嫌五斗祿、際茲叶律葭灰飛、幾點梅花映翠微、彈指三逢停驂日、攀轅叩乞莫言歸、獻芹父老各稱觴、什盜官民聚一堂、何幸廁身陪末席、愧無江筆寫河陽、來年或作黃龍飲、執筆相從綏遠方、

番禺黎聞非

盤根錯節別利器、險阻艱難茁異才、百里巖封原蕞爾、三年庶事尙康哉、隔江怪見蚩尤嘯、夜夜臨江作鬼呌、毒氛幾犯安師禪、陰謀每被溫犀照、湯侯胸中羅甲兵、彈丸隱隱若金城、賁黃依飛效奔奏、三河六郡皆精英、知方有勇遙相望、萬民雲動邊聲壯、任教敵虜竄楊梅、永保西江一屏障、長官尙勇知民耻、號令貫行如流水、荆秦狐兔自縱橫、好教藩籬設六枳、傑洲水長年復年、南山宿恨尙籠烟、安得湯侯秉節鉞、盪瑕滌穢耻辱湔、于今盛會傳佳話、徵題我却輸管蒯、但願鐫歌脫手成、舉

國聞之皆大快

頌詞

鶴山梁叔毅

中華民國三十二年十二月十九日爲我湯公長鶴三週年紀念日、是日也、青天白日、同溯三年前、徵之三年後、日月同而光景不同、攘攘者來、熙熙者往、戰欣戰奔、難民有所、野無餓殍、貧有振貸、民無飢色、此皆湯公之所賜也、湯公之德不惡而嚴、民風丕變、湯公之威、氣撼河嶽、鎗對九江、寇氣消沉、戟指江門、敵騎不敢回視、烽烟之下、農荷鋤笠、女話桑麻、培菁莪之多士、廣設校庠、訓保甲於閭里、雞犬無驚、靡民涵濡於不知不覺之中、足之蹈之、手之舞之、潛歎盛哉、邑人感之、無以報德、爰創三週年紀念會、藉以紀有功、而勵來茲耳。叔毅忝列士紳之末、代表第三區鄉鎮長民衆等參與盛會、明知不文、不敢獻醜、謹以萬分誠意敬獻銀鼎、并綴蕪詞以作頌祝、頌曰：

瞻崑崙之突屹兮。勇氣衝天。聽鶴鳴于山之巔兮。聲達雲邊。問誰與之比肩兮。湯公之才德當先。欣邑人浸淫於雨之澤兮。依戀綿纏。

。愧無以報德兮。祝享遐年。官民合作兮。可謂健全。

新體詩

惠民鄉中心學校

西江滔滔地奔流，

帶着仁愛底光，

敵艦如同瘋狂的野獸，

撫摩着這蒼蒼底一羣，

鶴山——這最前綫底小城，

好像慈母親吻着她底兒女。

却如同鐵般的城堡！

我呆呆望着天，

你，像是古代英雄凱撒，

天使我記起你底風采；

抵禦那殘忍的侵略，

我呆呆望着海，

「一，二」那天的聲威，

海神我想起你底仁愛；

震破了敵人的心胆！

可是天啊，不及你的丰采高

★ ★ ★ ★

海啊，不及你底仁愛深。

你，像是仁慈底天使，

★ ★ ★ ★

(頌)

(言)

(錄)

參政員 韓漢藩

三年治鶴

夙著循聲

安民除暴

百里承平

癸未冬予囑命韓漢藩三屬區政務，行抵鶴山，總方士紳易君子莊等，以湯縣長韓氏三載賢勞，特爲之徵文紀念，而於周諮博採及實地巡視，亦知湯君治鶴精誠有濟，推行嚴故，多具規模，訓誨團警，尤著成效，貢獻構建良多爰爲小引，并書

三年有成

四字，用資獎勵，

開平 胡銘藻題

參議員 趙超如

王雲五 治鵠

政績 宏施

除害 興利

悉中 肯機

羣情 愛戴

有口 皆碑

中山梁固榮

邊區不靖 寇讎鴟張

屢犯屢殲 我武維揚

安定閭里 輔贊中決

勳績彪炳 爲國爭光

施政方案 道重征戡

建設墾荒 繁榮民生

督教勸學 文化昌明

主鶴三載 蔚然有成

措施適應乎人事時地物

布政毋間於父老昆弟言

庚三十二年十二月十九日爲

湯縣長治鶴三週年紀念帶撰甲此方軍政聯

系時治鶴原拭目嘉猷尤深景仰抒毫作

頌愧未足以表揚德政于萬一也

第七戰區駐建第三縱隊司令袁帶

三

惠 丘東旭

贊	治	允	成	客	赴	道	親
化	鶴	文	績	歲	粵	經	聞
我	三	允	斐	奉	視	斯	親
兄	年	武	然	命	察	邑	見

台山麥健生

太上有立德、其次有立功、是以聖哲之治、栖栖遑遑、謀解時紛、功

贊鼎內、乃能銘勳彝鼎、歷世彌光、有由來也、
贊鼎學裏、南海世家、中原碩彥、以陳思繡虎之才、兼武子韜畧之偉、
蒞職宰治、敷布新猷、值茲蝦夷跳樑、羊城板蕩、用能進攻退守、悉
備機宜、奠定一隅、振興庶政、家其邑、而子其民、隨車甘雨、衆所好
而願所惡、靡捲慈雲、四境以爲卿君、大府羣推循吏、尤矣兩漢龔黃
一時召伯、是足樹全國吏治之風、堪供爲政者他石之助也、
寇讎已歷、際茲 湯公治鶴、報最三年、禦侮辛勞、金甌無缺、宣孔
之猷、應銘竹帛、報大公之政、治尙尊賢、世有師法宏規、定慰蒼生之
望、勸勞黨國、永爲無疆之祚、謹泐數言、用申景仰、

子莊 陳雲 伯聰
易 子壽 易 健伯
遠泰 劍甫 慈襄 國忠
援良 子敦

湯縣農癘三年、政聲卓絕、茲屆報城之期、闔邑人士在縣署開會稱慶

、壽齊壽國人恭逢盛會、謹上頌言、其詞曰：

洪爲贊公、生長名邦、幼岐嶷、長通大綱、研求政治、卒業中央、爰始筮仕、龍門聲翔、繼遷鶴嶺、治績愈彰、下車伊始、先觀于鄉、細察民隱、遂關封疆、遍觀週覽、退而會商、謀定後動、肇劃周詳、興利除弊、綱舉目張、首重民食、勸農課桑、開疆拓土、闢地墾荒、深耕易耨、黍稷稻粱、倉庾充裕、再及餼糧、勸教興學、推廣膠庠、抗戰讀書、兩不相妨、振發財源、惠通商、充國裕民、不後孔桑、選材授能、博訪賢良、無拘世累、任賢不方、獎勵豪傑、勿吝衣裳、表揚忠烈、俎豆馨香、嚴禁烟賭、榜揭道旁、庶政修明、振作圖強、訓練將士、肅列義行、同甘共苦、士卒慷慨、勇者用力、智者贊襄、勵兵沐馬、四守關防、防當戒嚴、飲食不違、鶴雖小邑、地實巖疆、外界淪境、迫近九江、端州舊衛、屏蔽綏羊、西南門戶、重等睢陽、倭奴入寇、屢作戰場、今春來犯、逞思強梁、決意設伏、聚而殲戕、計劃既定、撤守崑陽、電砲大軍、楊梅布防、地勢險要、萬夫莫當、坑口隱伏、匿霧飄飄、注重逕口、

散晷民莊、更設疑陣、遠列山崗、曳柴僞遁、故作倉皇、引敵深入、陷我羅張、伏兵突出、如虎如狼、彈如雨下、炮震遐方、一出不得、再起再攘、鄉民出助、聲勢愈張、追奔逐北、如犬驅羊、前截後殺、魄散魂翔、欲逃無路、屈膝求降、斬將奪旗、殺獲無量、經此一戰、威望鷹揚、方當事起、境內徬徨、未及旬日、安堵如常、四民復業、熙熙攘攘、沙坪收復、市巷笙簫、白登解圍、計出陳張、大府得報、疊奉褒章、功成不伐、德業彌先、治鶴三載、報最方將、考成超越、績比黃堂、全邑之榮、邦國之光、况我邑人、久庇甘棠、淪肌浹髓、鰲戴敢忘、聞將開會、懽呼若狂、愧無琮瑰、筐篚充黃、殷勤將事、踴躍趨跲、開會稱慶、聊表衷腸、謹上頌詞、齊舉一觥。

勞 赫 俠夫

鶴山毘連淪陷地境，軍事頻仍，敵騎進擾者屢，湯縣長受命於抗戰艱虞之會，從容布政，奠定基層，管教養備，治具畧張，用能屢挫強敵，寸土無失，治鶴三年，可謂士民有勇，且知方也，茲值二週年紀念，謹顏

額以伸景仰，

廣平司令黃國俊

國民兵，智仁勇，保國家，作干城；全邑皆兵。普及軍事教育，發揚尚武精神！

節錄青年的呼聲

看，隨處都有我們的工作，我們絕對不爲名，我們準備着挨餓！前進，前進，前進中開闢國家的大道；創造，創造，創造中樹立民族的宏基。永遠積極！永遠樂觀！那裡有不能解決的困難？那裡有不能排除的障礙？這是我們的世界，一切由我們担当，當仁不讓。

順德梁其享

文武兼資，此老真淵聞學博，三年治鶴，政聲大作，誰無桑梓，豈忍長蕭瑟，東風惡，更展神謀負起國人重託。

徐天海

欣贈鶴嶺
雪影琴堂
善施教養
物阜民康
安懷老少
咸詠甘棠
三年報政
鞏若金湯

黃育業

賢明邑宰
湯公號之
蒞鶴主政
三年有時
除弊興利
逐步實施
政績超著
聲仰遐邇

麥印強

湯縣長治鶴三年於我行金融維持農村貸款襄助指導不遺餘力值茲蒞任三週年紀念謹獻數言用誌景仰並表謝忱

前線金融

農村經濟

抗建大業

安危所繫

惟我湯公

洞明利弊

襄道靡遺

民斯受惠

贊化縣長治鶴三週年紀念

大矩丕張

豐猷卓越

洗湘文書贈

湯公燦華膺長鶴山三週年紀念

政 舉 道 行

順德縣黨部書記長梁其亨敬贈

湯同志治鶴三週年紀念

建 設 新 鶴 山

鶴山縣黨部敬贈

贊化縣長治鶴三週年紀念

愛 民 以 德

鶴邑任警魂敬贈

贊化縣長蒞任三週年紀念

德 高 望 重

鄭起民 潘均甫 李日芬 敬獻
易澄觀 李劍影

贊化縣長治鶴三週年紀念

民 歌 衆 母

溫植榮敬贈

贊化縣長湯公蒞任三週年紀念

循 吏 政 聲

鶴山縣闔邑民衆敬獻

贊化縣長就任三週年紀念

勞 績 卓 著

鶴山縣商會敬贈

贊化縣長治鶴三週年紀念

三 年 有 成

李秉碩敬獻

湯縣長治鶴三週年紀念

嘉惠士林

鶴師全體員生敬獻

鶴山湯縣長治鶴三週年紀念

勵精圖治

梁應焯 麥鴻鈞敬贈

湯縣長治鶴三週年紀念

民皆仰之

鶴山中學校長溫仕駒
暨全體員生敬贊

贊化縣長就任三週年紀念

澤溥甘棠

新會張野夫敬贈

贊化縣座就任三週年紀念

領導抗建

第一區署區長任英
鵝山縣政府 指導員 文克念 任德章 鞠躬
簡大任 勞汝昌

湯縣長治鵠三週年紀念

三年有成

鵝山縣 第三區 區長麥毓林暨各鄉鄉長鞠躬

湯縣長就任三週年紀念

澤及災黎

中山難童救養所全體難童敬贈

湯縣長蒞任三週年紀念

親民勤政

第四區各鄉鎮暨全體紳耆恭送

湯縣長蒞任三週年紀念

保民父母

鶴山縣各界婦女敬贈

湯縣長蒞任三週年紀念

發揚正氣

鶴山縣民教館長李弄絃敬贈

湯縣長蒞任三週年紀念

政績斐焉

金崗中國銀行敬贈

贊化縣長治鶴三週年紀念

三年有成

鶴山縣第一區各同業公會敬贈
沙坪鎮公所暨

贊化縣長治鶴三週年紀念誌盛

政通人和

鶴山縣第一區玉橋鄉公所敬獻

贊化縣長治鶴三週年紀念

勤政愛民

宋森 馮自微 李坤一 等敬贈
呂叔侃 李朝如 李仲根

贊化縣長游任三週年紀念

花滿河陽

交通部 金崗郵政局長 唐煜棠贈
鶴山電報局主任 張子開

贊化縣長湯公治鶴三週年紀念

綏境安民 用衆禦侮

是循吏也 有良將風

新會張兆棠題

贊化湯縣長蒞任三週年紀念

治民以法 愛民以德

趙衰趙盾 兼而有之

文楚三 黃槐三 敬贈

花縣行春

贊公明府觀政鶴城三年於茲矣

安氣勞成致千兩雲湧百貨潮流

花滿河陽春閨黍谷猗猗盛哉

東官李枚叔題

縣長湯公治鶴三週年紀念

執轡如組

鶴山李廷漢

民之父母

邑人李全之敬題

鶴山縣長湯公燦華就職二週年紀念

政聲表揚

邑人李露泉 李啓良 李寶發鞠躬

頌 湯兼所長治鶴三週年紀念

肝勞政教

縣訓所第六、七期學員敬獻

頌 湯兼所長治鶴三週年紀念

公忠黨國

縣訓所第四、五期學員敬獻

湯縣長燦華惠存

愛民若赤

址山三鄉全體民衆敬獻
第四區編南三鄉全體民衆敬獻
禮亭暨地方團體

湯縣長榮任三週年紀念

湯縣長蒞任三週年紀念

民之父母

愛民若赤

梁成崑敬賀
葉齡輝

志成鄉天倫村民衆鞠躬

爲履任三週年告民衆書

全縣父老兄弟姊妹均鑒：

本邑僻處西江，環接名都，土地雖非富厚，特產頗著南風，山川毓秀，土氣磅礴，革命諸役獻替尤多，邑人僑居海外者亦頗衆。俗儔淳樸，民多康樂。自抗戰以還，頻遭鋒鏑，遂致南山帶恨，白水含愁。洎乎香島淪陷，僑匯便斷，於茶特產，內外滯銷，農村凋敝，民生日蹙，矧以連秋人稠，糧食不足以自給，海疆封閉，供調失其平衡，災害侵尋，益增憂慮。燦華于廿九年杪，捧檄來鴻，牧民斯土，日居月諸，忽忽又歷三寒暑矣，自維德薄能鮮，未聞治理，~~雖~~曾涉事，實愧無成，惟念艱危受命，義不容辭，赴湯蹈火，唯命是從，且深信邑

中不乏剛健之士，值與風雨同舟，必能橫流共濟，用敢勉勵艱鉅，與我父老兄弟姊妹相處于骨肉血泊之中，非命以來，國難臨頭，朝乾夕惕，不遑寧處，猶凜於爲政不在多言之誠，故尙無片語以告邑人。邇者歷任三載，循名覈實，愧無建，差幸管教學術諸端，幾經努力，皆已綱舉目張。辱承 層蒙獎借，訓勉有加，邑人亦復時相匡濟，取瑜棄瑕，寬其責備，私衷感奮，莫可言宣。爰將今後共同努力之道，撮其要旨，以爲我父老兄弟姊妹告：

(一)本縣位類西江，與敵相隔一衣帶水，不獨爲經濟之樞紐，抑亦爲收復失地之嚮哨，歷次戰役，雖經義師折將，此固由前綫將士用命，而邑人之貢獻于抗戰者至多且大。可歌可泣之事跡，史不絕書。惟以風鶴頻驚，社命動盪，人心多趨萎靡，正氣亦漸消沉，燦華牧民有喪，不禁惻然愛之，竊思正氣者乃浩然之氣，亦即忠誠正直之結晶，實爲人類最高尚最偉大之精神，人壽是氣，必能盡忠，取義，守廉，知耻；以之從政，則社會澄清；以之禦侮，則無敵不克；以之建國，則復興可期。故今日以言治亂，首在發揚正氣，發揚之道，莫急于發揚忠義，消弭奸邪，選用賢能，剷除貪墨，以及厲行禁烟禁賭，提倡高尚娛樂。如是正氣一經發揚，民習自趨正軌，燦華以此自勉，並勉同僚，尤望我父老兄弟姊妹身體力行，蔚成風氣，藉使正氣伸張，奸邪滅，此當爲我各界同胞告者一。

(二)丁此民族存亡絕續之秋，吾人抗戰建國，責任綦重，必須上下一心，共同努力，而抗建工作，經緯萬端，完成之方，首在整飭紀綱，貫徹命令。良以紀綱不立，則國法不伸，命令不行，則政務廢弛。各級公務人員固應知職責所在，奉公守法，發奮有爲，而地方民衆亦

須絕對服從。政府法令，遵守公共秩序，否則上無道援，下無法守，泄沓成風，紀綱蕩然，非獨不足以言抗戰，抑亦不足以言圖存。所望我父老兄弟姊妹廣爲宣傳，以身作則，庶使令如流水，必勝必成，此當爲我各界同胞告者二。

(三)本邑地狹人稠，糧食奇缺，自海道壅塞，洋米來源已絕，加以連年荒歉，庚癸頻呼，狀至淒慘，燠熱痼瘕在抱，飢饉爲懷，迭經奔走呼籲，多方設法，以求拯救民衆於水深火熱之中。目前雖幸荒象救平，難關難渡，惟念飛藟挽粟，僅能治標，解決糧食，尤須治本，今後加強圍務，發展水利，厲行冬種，普植雜糧，擴大墾荒諸項要政，實爲當務之急，所望我父老兄弟姊妹切實協助，努力增產，充裕民食，改善民生，此當爲我各界同胞告者三。

(四)抗戰建國，必須先有健全地方機構，充實自治組織，以建立管教養衛之根基，而本黨革命之最後鵠的，亦爲完成地方自治樹立憲政楷模。邇來蔣主席諄諄訓勉國人者，爲「能自強始可以自由能自立始可以獨立」。又曰：「有守法的國民，才有自由的國家，自由在法治的境域，才是法治的國家。」語重心長，自當奉爲圭臬。本縣年來施政，無不在于喚起民衆，粗訓民衆，以期發動民力，增加其參加政治之智能，而納于自治自強之正軌。燦華就職三年，足跡遍于全縣沐雨栢風，勞苦不辭，不外深入民間，以期我邑人士注意及此。今後各保民大會，各鄉鎮民代表會，必須經常舉行，縣臨時參議會亦應迅速籌設，俾得羣策羣力，發揚民治，恢宏民權，以爲實施憲政之準備，此當爲我各界同胞告者四。

(五)建國之道，首重教育，目前戰時要政，雖至繁瑣，而教育大計，不可偏廢。語云「

十年樹木，百年樹人，一誠不刊之論，本邑人口已達二十五萬，而失學兒童尚多，燦華歷任以來，銳意規復，悉心整理，對于國民學校，已普遍增設，對縣中之增額，與師範之規復，進行不遺餘力。今後尤當寬籌經費，開展國教，培植師資，推進社運，藉以加強戰時文化活動，提高文化水準。所望我父老兄弟姊妹共體斯旨，竭誠襄助，俾得發宮重建，著莠樂育，此當為我各界同胞告者五。

(六)本邑叠經敵寇侵擾，溝日荒涼，且南洋香港諸地相繼淪于敵手，僑胞之直接間接罹難者，不可勝數，無褐無衣，凍餒堪虞。復以南，新，中，順各縣難民難童，轉徙播遷，磨瘡路隅，尤為社會重大之損失。本縣振濟會曾先後組織緊急救濟會站，協華收容所，及難童收容所，從事救濟、明知庫帑有限，難民無窮，杯水車薪，振施未普，唯求有一文錢，做一文事，有一分力，盡一分心而已。最近本縣難民難童救濟協會在沙坪成立，自可協助政府，普遍救濟，尤望我父老兄弟姊妹念切痼癩，共襄善舉，有錢出錢，有力出力，以期減少人民戰時所受之痛苦，培植國家抗戰所需之人力，此當為我各界同胞告者六。

上列諸端，僅擇其舉榮大者，其餘不及一一縷述，總之，今後地方政治之任務，日益加繁，而我全縣民衆之職責，亦日益加重。易曰：其在其亡，繫于苞桑。願我父老兄弟姊妹共勉之。燦華值茲履任三週年之會，百感交集，謹布區區，尚祈 明察！

湯燦華于鶴山縣政府

三十二年十二月十九日

告別邑中父老書

燦華執政鶴山，時將四載，會當艱危，事至繁賾。憶昔下車伊始，即以加強地方抗衛力量爲鵠的，用期軍事與政治配合，抗戰與建國齊施；無如縣境三面環敵，寇氛嗚張，四年以來，叠遭蹂躪。燦華忝掌兵符，守土有責：三十年（三、三）之役，卅二年（二、一）之役，卅三年（六、一七），（九、九）諸役，靡不身先士卒，躬冒矢石；雖敵我裝備之優劣不同，情勢之堅瑕互異；然猶斬將搃旗，屢奏敵胆。比以縣黨議會縣黨諸公之協助，組設戰時動員會，負責動員工作，各區後備大隊相繼成立；今後民衆武力，日漸增強，縱令小醜跳樑，腥膻未除，而玉璽森嚴，不日當可重光吾圉。

燦華復以實施新縣制促進地方自治，爲實施憲政之基礎。履任以來，多方興革，民意機構，依期成立；基層幹部，次第調訓；地方財政，亦經整理就緒。縮鄉聯保，原擬計劃施行，適以戰事影響，未及早鵬厥成。雖關於本邑文化教育，燦華殫精竭智，力求恢復，逐次發展，年來縣境歉欠淪陷，風鶴頻驚，而絃歌之聲，未嘗稍輟。且規復簡師，重建黌宇，幸賴邑中賢達，竭誠襄助，得以一一實施，至爲欣幸。

尤有進者：本縣人烟稠密，耕墾不敷，糧食生產，無法自給。燦華督導增產，辦理蠶桑，提倡木薯運動，推廣優良稻種，藉資補救，允復舊修基圍，整理水利，沐雨櫛風，艱苦不辭；年來西江各縣均告缺糧，本邑以圍墾之熱心民衆之奮勇，獨得倖免。三十一年春，時值歲

歉，民有饑色；燦華多方呼籲，撥精濟荒，飛芻挽粟，寢不安席。倖得勉渡難關，饑而不亂。此次倭寇西犯，配合友軍作戰，將士用命，民衆協力，用能節節抗戰，雖犧牲未能補過，而臨危未嘗退却；山獸歸濟，唐舍爲墟，戰事甫平，又即馳赴糧荒嚴重，地區辦理急振；並分電府憲請救濟；且以各地烽火頻仍，災情慘重，燦華目覩荒涼，念切痼瘼，復電請求減免賦稅用蘇民。

燦華德薄能鮮，忝竊名器，執案以來兢兢戒懼，努力多端，成效尙微，所幸黨政協力，民衆愛戴，用能一心一德，從事抗建大業，惟三載無成，慙慙衿影；比者燦華下車引退，百感交繁，惟念大敵當前，寇氛未已；且奸僞竊據，流毒滋深；凡我邑人，亟當奮起，圖強禦侮，團結一致，與有日，勝成可期，臨別贈言，願共勉旃。

湯 燦 華 手 啓

卅三、十一、十二。

